

«01» օգոստոսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով «ԱԺԴԱՆԱԿ» ՍՊԸ-ի (ՀՎՀՀ 09425679, հասցե՝ Սյունիքի մարզ, գ.Լեռնաձոր, Բարիկադան թաղամաս, 4-րդ փողոց, 1/1) կողմից «Ներքին սպառման համար բացթողում» մաքսային ընթացակարգով թիվ 05100040/210220/0000240 ապրանքների հայտարարագրով հայտարարագրված ապրանքների փաստաթղթերը.

Պ Ա Ր Զ Ե Ց Ի

Հարավային մաքսատուն-վարչությունում իրականացված աուդիտորական ուսումնասիրությունների արդյունքում «ԱԺԴԱՆԱԿ» ՍՊԸ-ն իր կողմից ներկայացված թիվ 05100040/210220/0000240 ապրանքների հայտարարագրի 1-ին ապրանքի ծածկագիրը 33-րդ սյունակում փոփոխվել է, որի հետևանքով առաջացել է 457176 /չորս հարյուր հիսունյոթ հազար հարյուր յոթանասունվեց դրամ/ ՀՀ դրամի չափով ավելացված արժեքի հարկի պարտավորություն:

«Մաքսային կարգավորման մասին» ՀՀ օրենքին համաձայն մաքսային վճարներ առաջադրելու նպատակով Հարավային մաքսատուն-վարչության ավագ մաքսային տեսուչ-իրավաբանը խնդրել է համապատասխան ստորաբաժանմանը տրամադրել «ԱԺԴԱՆԱԿ» ՍՊԸ-ի կողմից թիվ 05100040/210220/0000240 ապրանքների հայտարարագրի 33-րդ սյունակում ճշգրտում կատարելու արդյունքում առաջացած և սահմանված ժամկետում ավելացված արժեքի հարկի պարտավորությունը չկատարելու արդյունքում Հարավային մաքսատուն-վարչությունում հաշվարկված տույժերի մասին:

Համապատասխան ստորաբաժանման կողմից տրամադրվել է տեղեկատվություն, համաձայն որի «ԱԺԴԱՆԱԿ» ՍՊԸ-ն Հարավային մաքսատուն-վարչությունում ունի ընդամենը 588 936 /հինգ հարյուր ութսունույթ հազար ինը հարյուր երեսունվեց/ ՀՀ դրամի չափով ավելացված արժեքի հարկի և տույժի չկատարված պարտավորություն:

Նշված փաստի առթիվ ՀՀ ՊԵԿ Հարավային մաքսատուն-վարչությունում հարուցվել է վարչական վարույթ «ԱԺԴԱՆԱԿ» ՍՊԸ-ի կողմից վճարման ենթակա ավելացված արժեքի հարկի տույժի գանձման նպատակով:

Հարավային մաքսատուն-վարչության ավագ մաքսային տեսուչ-իրավաբանը թիվ 207 մտից համարի զեկուցագրով խնդրել է տրամադրել տեղեկատվություն «ԱԺԴԱՆԱԿ» ՍՊԸ-ի կողմից թիվ 05100040/210220/0000240 ապրանքների հայտարարագրով առաջացած մաքսային վճարների կատարման վերաբերյալ:

Հարավային մաքսատուն-վարչության մաքսային գործառնությունների բաժնի գլխավոր մաքսային տեսուչի թիվ 210 մտից համարով տեղեկանքի համաձայն՝ «ԱԺԴԱՆԱԿ» ՍՊԸ-ի կողմից թիվ 05100040/210220/0000240 ապրանքների հայտարարագրով առաջացած 588 936 /հինգ հարյուր ութսունույթ հազար ինը հարյուր երեսունվեց/ ՀՀ դրամի չափով ավելացված արժեքի հարկի և տույժի չկատարված պարտավորությունն ամբողջությամբ կատարվել են, որը

հավաստվում է Հարավային մաքսատուն-վարչության 14.07.2022 թվականին գանձապետական քաղվածքով:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի ա) կետի համաձայն՝ վարչական մարմնի նախաձեռնությամբ հարուցված վարչական վարույթը կարող է կարճվել, եթե անձը, ում հասցեագրված է լինելու վարչական ակտը, վերացրել է օրենքի կամ իրավական այլ ակտի պահանջների խախտումները կամ պատշաճ միջոցներ է ձեռնարկել խախտումները կանխելու ուղղությամբ, և նման դեպքերում օրենքն այդ խախտումների վերաբերյալ չի պահանջում վարչական ակտի ընդունում:

«Մաքսային կարգավորման մասին» ՀՀ օրենք 114-րդ հոդվածի 7-րդ մասի համաձայն.

Մաքսատուրքի, հարկերի, դրանց գծով տույժերի, տոկոսների բռնագանձում չի իրականացվում, եթե մաքսատուրքի, հարկերի վճարման մասին պահանջները չեն ներկայացվել դրանց վճարման ժամկետը լրանալու օրվանից կամ Միության մաքսային օրենսգրքի 200-րդ հոդվածի 1-ին կետի 1-ին ենթակետում նշված ապրանքները բաց թողնելուց հետո մաքսային հսկողության ժամանակ մաքսատուրք, հարկեր չվճարելու փաստը հայտնաբերելուց հետո՝ երեք տարվա ընթացքում:

Այսպիսով, հիմքում ունենալով վերոգրյալ իրավակարգավորումները և նկատի ունենալով, որ «ԱԺԴԱՆԱԿ» ՍՊԸ-ի կողմից ամբողջությամբ կատարվել է թիվ 05100040/210220/0000240 ապրանքների հայտարարագրի 33-րդ սյունակում ճշգրտում կատարելու արդյունքում առաջացած ավելացված արժեքի հարկի և տույժի վճարման պարտավորությունը՝ ուստի «ԱԺԴԱՆԱԿ» ՍՊԸ-ից մաքսային վճարների գանձման նպատակով հարուցված վարչական վարույթը ենթակա է կարճման:

Հիմք ընդունելով վերոգրյալը և ղեկավարվելով «Մաքսային կարգավորման մասին» ՀՀ օրենք 114-րդ հոդվածի 7-րդ մասի և «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի դրույթերով՝

Ո Ր Ո Շ Ե Ց Ի

1. «ԱԺԴԱՆԱԿ» ՍՊԸ-ի վերաբերյալ հարուցված վարչական վարույթը՝ վերջինից մաքսային վճարները և տույժերը գանձելու վերաբերյալ, կարճել:
2. Որոշման մասին օրենքով սահմանված կարգով տեղյակ պահել «ԱԺԴԱՆԱԿ» ՍՊԸ-ին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

